

姓名：

班级：

日期：

中四华文

单元 1.1 桃花源记（上篇）陶渊明

活动单

（一）找出文言字词的意思。

晋太元中，武陵人捕鱼为业。缘 溪行，忘路之远近。忽逢桃花林，夹岸数百步，中无杂树，芳草鲜美，落英 缤纷 。渔人甚异之。复前行，欲穷 其林。

林尽水源，便得一山。山有小口，仿佛若有光。便船从口入。初极狭，才通人。复行数十步，豁然 开朗。土地平旷，屋舍俨然 。有良田、美池、桑竹之属 。阡陌 交通 ，鸡犬相闻。其中往来种作，男女衣着，悉 如外人，黄发垂髫 ，并怡然自乐。

见渔人乃大惊，问所从来，具 答之。便要 还家，为设酒杀鸡作食。村中闻有此人，咸 来问讯。自云先世避秦时乱，率妻子邑人 ，来此绝境，不复出焉，遂与外人隔绝。